

ხ ე ლ შ ე კ რ უ ლ ე ბ ა №3/149
(საქონლის შესყიდვაზე გამარტივებული საშუალებით)

ქ. თბილისი

14 სექტემბერი 2012 წ.

ერთის მხრივ თბილისის სახელმწიფო სამედიცინო უნივერსიტეტი, წარმოდგენილი კანცლერის მოვალეობის შემსრულებლის, მამუკა კალმახელიძის სახით (შემდგომში წოდებული "შემსყიდველად") და მეორეს მხრივ შპს „მპკ ჯორჯია“, წარმოდგენილი დირექტორის, ზაზა აკობიას სახით (შემდგომში წოდებული "მიმწოდებლად"), ვდებთ ამ ხელშეკრულებას შემდეგზე:

1. ხელშეკრულების საგანი

1.1 შემსყიდველი უკვეთავს, ხოლო მიმწოდებელი უზრუნველყოფს დანართში (დანართი წარმოადგენს წინამდებარე ხელშეკრულების განუყოფელ ნაწილს) მოცემული საქონლის მიწოდებას (CPV 92100000).

2. საქონლის მიწოდების წესი და ღირებულება

- 2.1 საქონლის ერთეულის ფასი მოცემულია დანართში.
- 2.2 მიწოდების ვადაა 14 სამუშაო დღე მოცემული ხელშეკრულების ძალაში შესვლის დღიდან.
- 2.3 ხელშეკრულების ფასი შეადგენს 2760 (ორი ათას შვიდასსამოცი) ლარს დღგ-ს ჩათვლით.
- 2.4 ხელშეკრულების ფასი შეიცავს მიმწოდებლის ყველა ხარჯებს, დაკავშირებულს მის მიერ ამ ხელშეკრულებით გათვალისწინებული საქონლის მიწოდებასთან, მათ შორის კანონმდებლობით დადგენილ გადასახადებს, მოსაკრებლებს და სხვა.
- 2.5 ფასების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევაში.

3. მიღება-ჩაბარების წესი

- 3.1 საქონლის გადაცემა დასტურდება მიღება-ჩაბარების აქტით, ანგარიშ-ფაქტურით და სასაქონლო ზედნადებით.
- 3.2 შემსყიდველი უფლებამოსილია განაცხადოს უარი უხარისხო საქონლის მიღებაზე.
- 3.3 მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი.

4. ანგარიშსწორება მხარეთა შორის

- 4.1 ანგარიშსწორება მხარეთა შორის ხორციელდება უნადლო ანგარიშსწორების გზით, საქონლის მიწოდების შესახებ მიღება-ჩაბარების აქტის ხელმოწერიდან 5 სამუშაო დღის განმავლობაში.
- 4.2 ანგარიშსწორების განხორციელებისთვის მიმწოდებელმა უნდა წარმოადგინოს ანგარიშ-ფაქტურა და სასაქონლო ზედნადები. ასევე უნდა გაფორმდეს მიღება-ჩაბარების აქტი.
- 4.3 ანგარიშსწორების ვალუტა - ლარი.

5. მხარეთა უფლება-მოვალეობანი

- 5.1 შემსყიდველი იღებს ვალდებულებას:
 - 5.1.1 დროულად უზრუნველყოს მიწოდებული საქონლის მიღება და დასაწყოება.
 - 5.1.2 უზრუნველყოს მიწოდებული საქონლის ღირებულების დროული გადარიცხვა მიმწოდებლის საბანკო ანგარიშზე.
- 5.2 მიმწოდებელი ვალდებულია:
 - 5.2.1 პასუხი აგოს მიწოდებული საქონლის ხარისხზე.
 - 5.2.2 უზრუნველყოს საქონლის მიწოდება დადგენილი პირობების შესაბამისად.

6. მხარეთა პასუხისმგებლობა

- 6.1 ხელშეკრულებით გათვალისწინებული ვალდებულების შესრულების ვადების გადაცდენის შემთხვევაში მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ფასის 0,1%-ის ოდენობით.
- 6.2 ხელშეკრულებით გათვალისწინებული ვალდებულების შესრულების ვადების გადაცდენის შემთხვევაში მიმწოდებელს უფლება აქვს მოსთხოვოს შემსყიდველს პირგასამტეხლო ყოველ ვადაგადაცილებულ დღეზე ხელშეკრულების ფასის 0,1%-ის ოდენობით.
- 6.3 საჯარიმო სანქცია არ ათავისუფლებს მიმწოდებელსა და შემსყიდველს ძირითადი ვალდებულებების შესრულებისაგან.

7. ფორს-მაჟორი

- 7.1 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

7.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით ავრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

8. ხელშეკრულებაში ცვლილებების შეტანა

8.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომელთა გამოც წარმოიშვა ხელშეკრულების პირობების შეცვლის აუცილებლობა.

8.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. ხელშეკრულების შესრულების კონტროლი

9.1 სახელმწიფო შესყიდვის შესახებ ამ ხელშეკრულებით გათვალისწინებული საქონლის მიწოდებაზე კონტროლს განახორციელებს თსსუ-ის ინფრასტრუქტურის დეპარტამენტი და თსსუ-ის რექტორის აპარატის უფროსი ნ. რუხაძე.

10. დამატებითი პირობები

10.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2012 წლის 31 დეკემბრის ჩათვლით.

10.2 წინამდებარე ხელშეკრულების მოქმედების მთელი პერიოდის განმავლობაში არც ერთ მხარეს არ აქვს უფლება მეორე მხარისაგან წერილობითი თანხმობის გარეშე თავისი უფლებები და ვალდებულებები გაასხვისოს ან გადასცეს მესამე პირს.

10.3 წინამდებარე ხელშეკრულების მოშლა შესაძლებელია, თუ ერთ-ერთი მხარე არღვევს წინამდებარე ხელშეკრულებით გათვალისწინებულ პირობებს და ზიანს აყენებს მეორე მხარეს. ხელშეკრულების მოშლის გადაწყვეტილების შესახებ ერთ-ერთი მხარე ატყობინებს მეორე მხარეს 2 დღით ადრე.

10.4 ხელშეკრულებაში დამატებებების და/ან ცვლილებების შეტანა შესაძლებელია ორივე მხარის წერილობითი თანხმობით.

10.5 ხელშეკრულება შედგენილია ქართულ ენაზე ორ ეგზემპლარად და ორივე ეგზემპლარს აქვს თანაბარი იურიდიული ძალა.

11. დავათა განხილვის წესი

11.1 მხარეები შეეცდებიან ურთიერთმოლაპარაკების საფუძველზე გადაჭრან დავები. იმ შემთხვევაში, თუ ისინი ვერ გადაჭრიან დავას, იგი განიხილება სასამართლოს მიერ.

მხარეთა იურიდიული მისამართები და საბანკო რეკვიზიტები

“შემსყიდველი”

თბილისის სახელმწიფო სამედიცინო უნივერსიტეტი
ასათიანის 7
საიდენტიფიკაციო ნომერი 211328703
ს.ს. „თი ბი სი“ ბანკი; კოდი TBCBGE22
ა/ა GE34 TB11 0000 0000 609 229

“მიმწოდებელი”

შპს „მპ ჯორჯია“
ვაჟა ფშაველას 16
საიდენტიფიკაციო კოდი 205236314
თი ბი სი ბანკის საბურთალოს ფილიალი
ა/ა 58536080100004 კოდი 220101838

თსსუ-ს კანცლერის მოვალეობის შემსრულებელი
მამუკა კალმახელიძე

დირექტორი
ზაზა აკობია



Handwritten signatures and dates at the bottom right of the document.

დანართი

№	საქონლის დასახელება	განზომილება	რაოდენობა	ერთ. ფასი დ.ლ.გ. ჩათვლით (ლარი)	სულ ფასი დ.ლ.გ. ჩათვლით (ლარი)
1	CD დისკის ჩასადები	ცალი	1000	1,56	1560,00
2	CD დისკის გაფორმება და ვიდეორგოლის ჩაწერა	ცალი	300	4,00	1200,00
სულ:					2760,00

თსსუ-ს კანცლერის მოვალეობის შემსრულებელი
მამუკა კალმახელიძე

დირექტორი
ზაზა აკობია

